



## ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

### Ո Ր Ո Շ ՈՒ Մ

5 հոկտեմբերի 2023 թվականի N 1716 - Ա

ԳՈՒՅՔԸ ՈՐՊԵՍ ՆՎԻՐԱՏՎՈՒԹՅՈՒՆ ԸՆԴՈՒՆԵԼՈՒ  
ԵՎ ԱՄՐԱՑՆԵԼՈՒ ՄԱՍԻՆ

---

Հիմք ընդունելով Հայաստանի Հանրապետության քաղաքացիական օրենսգրքի 594-րդ հոդվածը և «Կառավարչական իրավահարաբերությունների կարգավորման մասին» օրենքի 5-րդ հոդվածի 5-րդ մասը՝ Հայաստանի Հանրապետության կառավարությունը **ո ր ո շ ու մ է.**

1. Որպես նվիրատվություն Հայաստանի Հանրապետությանը՝ ընդունել Ռուսաստանի Դաշնության ներքին գործերի նախարարության հաշվեկշռում հաշվառված պարեկային արագընթաց երկու մտորանավակ՝ բեռնափոխադրման կցորդիչներով և երկու ծառայողական շուն՝ խնամքի համար նախատեսված առարկաների և միջոցների հետ միասին՝ համաձայն հավելվածի, և ամրացնել Հայաստանի Հանրապետության ներքին գործերի նախարարությանը:

2. Հայաստանի Հանրապետության ներքին գործերի նախարարին՝ սույն որոշումն ուժի մեջ մտնելուց հետո 30-օրյա ժամկետում ապահովել Ռուսաստանի Դաշնության ներքին գործերի նախարարության հետ սույն որոշման 1-ին կետում նշված գույքի՝ Հայաստանի Հանրապետության օրենսդրությամբ սահմանված կարգով նվիրատվության պայմանագրի կնքումը, հանձնման-ընդունման

աշխատանքների կատարումը և Հայաստանի Հանրապետության ներքին գործերի նախարարության հաշվեկշռում հաշվառումը՝ սահմանելով, որ սույն որոշման 1-ին կետում նշված գույքի բեռնափոխադրման ծախսերն իրականացվելու են Ռուսաստանի Դաշնության ներքին գործերի նախարարության բյուջետային միջոցների հաշվին:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՎԱՐՉԱՊԵՏ

Ն. ՓԱՇԻՆՅԱՆ

Երևան